

Romanonan 12

1.

1. Asina anto, rumanan, mi ta roga boso pa miserikòrdianan di Dios, pa boso duna boso kurpanan pa un sakrifisio bibu, santu y agradabel pa Dios, ku ta boso religion razonabel;

2. Y boso no konforma boso ku e siglo djawo; ma kambia boso mes hentéramente pa medio di renobaméntu di boso sintiméntu, pa boso mes experimenta, kua ta boluntad di Dios, ku ta bon, agradabel y perfekto.

3. Mi ta bisa anto, pa gracia ku ta duna na mi, na kada un di'esnan, ku ta ku boso, ké no mester pensa mas haltu, ku ta kumbini; ma pa é pensa humilde, kada un segun midi di fe, ku Dios a repartí na né.

4. Pasobra meskos ku nos tin den un kurpa hopi miembro, y e miembro nan tur no ta funsiona dje mes manera.

5. Asina nos tur, siendo hopi, ta un mes kurpa den Kristo, y nos kada un ta miembro di otro,

6. teniendo diferente donnan, segun e gracia, ku ta duná na nos,

7. si ta e don di profesia, segun midi di fe, si ta di sirbishi, den sirbimentu; ó esun, ku ta siña, den siñansa;

8. ó esun, ku ta spierta, den spiertamentu; esun ku ta parti; e hasi'e den humildat, esun ku ta para na kabes, den aktividat; esun, ku ta hasi miserikordia, den alegria.

9. Laga stimashon ta sin fingi; aborese malu, y tene boso na loke ta bon.

10. Stima otro di kurason ku amor di ruman, dunándo otro un ehèmpèl den onor.

11. No sea floho den aktividat di boso sirbishi,. Sea ardiente di spiritu; sirbiendo Señor.


12. Alegria boso den speranza. Wanta den kalamidat. Perservera den orashon.

13. Perkura pa e santunan den nesesisidat. Duna posada ku gustu.

14. Bindishona esnan, ku ta pèrsigui boso, bindishona y no maldishona nan.

15. Alegria boso ku esnan, ku ta kontentu, y yora ku esnan, ku ta yora.

16. Boso bin di akuerdo un ku otro. No pensa kosnan haltu, ma komodá boso ku e humildenan. No kere boso mes ta mas sabí.

A person wearing a white, long-sleeved robe is sitting on a sandy beach. The background is a soft, hazy sunset or sunrise, with a large, glowing orb (the sun or moon) partially visible in the lower right corner. The overall mood is peaceful and contemplative.

17. No paga ningun hende malu ku malu: kustumbra boso di hasi loke ta nóbel dilanti di tur hende.

18. Si ta pusibel, kuantu ku ta depende di boso, tene pas ku tur hende.

19. No vinga boso mes, stimánan; mas bien duna lugá, na dia di huisio; pasombra ta para skirbí: Di mi vengansa ta, Mi lo paga, Señor ta bisa.

20. Si bo enemigu tin hamber anto, dun'é di kome; si é tin sedu, dun'é di bebe; pasombra hacienda asina lo bo montona karbon di kandéla riba su kabes. 21. No laga malu vensé bo, mas bien vense malu ku bon.